

新譯

大方廣佛華嚴經卷第七十一

一百十七

臣一

47943



元祿九年丙子二月日重修

皇圖聖圖 帝潛銀昌

佛日增輝 德輪常轉

山城川天安寺法金剛院置



大方廣佛華嚴經卷第七十一

于闐國三歲沙門實義難陀譯

入法界品第三十九之十二

爾時善財童子於普救衆生妙德夜神

所聞菩薩普現一切世間調伏衆生解

華嚴卷七十一

脫門了知信解自在安住而往寂靜音

海夜神所頂禮其足繞無數帀於前合

掌而作是言聖者我已先發阿耨多羅

三藐三菩提心我欲依善知識學菩薩

行入菩薩行脩菩薩行住菩薩行唯願



慈哀為我宣說菩薩云何學菩薩行云
何備菩薩道時彼夜神告善財言善哉
善哉善男子汝能依善知識求菩薩行
善男子我得菩薩念念出生廣大喜莊
嚴解脫門善財言大聖此解脫門為何
事業行何境界起何方便作何觀察夜
神言善男子我發起清淨平等樂欲心
我發起離一切世間塵垢清淨堅固莊
嚴不可壞樂欲心我發起攀緣不退轉
位永不退轉心我發起莊嚴功德寶山

不動心我發起無住處心我發起普現
一切衆生前救護心我發起見一切佛
海無厭足心我發起求一切菩薩清淨
願力心我發起住大智光明海心我發
起令一切衆生超過憂惱曠野心我發
起令一切衆生捨離愁憂苦惱心我發
起令一切衆生捨離不可意色聲香味
觸法心我發起令一切衆生捨離愛別
離苦怨憎會苦心我發起令一切衆生
捨離惡緣愚癡等苦心我發起與一切

戀

戀

險難衆生作依怙心我發起令一切衆
生出生死苦處心我發起令一切衆生
捨離生老病死等苦心我發起令一切
衆生成就如來無上法樂心我發起令
一切衆生皆受喜樂心發是心已復為
說法令其漸至一切智地所謂若見衆
生樂著所住宮殿屋宅我為說法令其
了達諸法自性離諸執著若見衆生變
著父母兄弟姊妹我為說法令其得預
諸佛菩薩清淨衆會若見衆生變著妻

子我為說法令其捨離生死愛染起大
悲心於一切衆生平等無二若見衆生
住於王宮嫁女侍奉我為說法令其得
與衆聖集會入如來教若見衆生深著
境界我為說法令其得入如來境界若
見衆生多瞋恚者我為說法三令住如來
忍波羅蜜若見衆生其心懈怠我為說
法令得清淨精進波羅蜜若見衆生其
心散亂我為說法令得如來禪波羅蜜
若見衆生入見稠林無明闇障我為說

法令得出離稠林黑暗若見衆生無智
慧者我為說法令得般若波羅蜜若見
衆生深著三界我為說法令出生死若
見衆生志意下劣我為說法令其圓滿
佛菩提願若見衆生住自利行我為說
法令其發起利益一切諸衆生願若見
衆生志力微弱我為說法令得菩薩力
波羅蜜若見衆生愚癡闇心我為說法
令得菩薩智波羅蜜若見衆生色相不
具我為說法令得如來清淨色身若見

衆生形容醜陋我為說法令得無上清
淨法身若見衆生色相麤惡我為說法
令得如來微妙色身若見衆生情多憂
惱我為說法令得如來畢竟安樂若見
衆生貧窮所苦我為說法令得菩薩功
德寶藏若見衆生住止園林華嚴卷七十一我為說法
令彼勤求佛法回緣若見衆生行於道
路我為說法令其趣向一切智道若見
衆生在聚落中我為說法令出三界若
見衆生住止人間我為說法令其超越

二乘之道住如來地若見衆生居住城
郭我為說法令其得住法王城中若見
衆生住於四隅我為說法令得三世平
等智慧若見衆生住於諸方我為說法
令得智慧見一切法若見衆生貧行多
者我為彼說不淨觀門令其捨離生死
愛深若見衆生瞋行多者我為彼說大
慈觀門令其得入勤加脩習若見衆生
癡行多者我為說法令得明智觀諸法
海若見衆生等分行者我為說法令其

得入諸乘願海若見衆生樂生死樂我
為說法令其厭離若見衆生厭生死苦
應為如來所化度者我為說法令能方
便示現受生若見衆生愛著五蘊我為
說法令其得住無依境界若見衆生其
心下劣我為顯示勝莊嚴道五若見衆生
心生憍慢我為其說平等法忍若見衆
生其心諂曲我為其說菩薩直心善男
子我以此等無量法施攝諸衆生種種
方便教化調伏令離惡道受人天樂脫

三界縛住一切智我時便得廣大歡喜
法光明海其心怡暢安隱適悅復次善
男子我常觀察一切菩薩道場衆會脩
種種願行現種種淨身有種種常光放
種種光明以種種方便入一切智門入
種種三昧現種種神變出種種音聲海
具種種莊嚴身入種種如來門詣種種
國土海見種種諸佛海得種種辯才海
照種種解脫境得種種智光海入種種
三昧海遊戲種種諸解脫門以種種門

趣一切智種種莊嚴虛空法界以種種
莊嚴雲徧覆虛空觀察種種道場衆會
集種種世界入種種佛刹詣種種方海
受種種如來命後種種如來所與種種
菩薩俱雨種種莊嚴雲入如來種種方
便觀如來種種法海入種種智慧海坐
種種莊嚴座善男子我觀察此道場衆
會知佛神力無量無邊生大歡喜善男
子我觀毘盧遮那如來念念出現不可
思議清淨色身既見是已生大歡喜又

觀如來於念念中放大光明充滿法界
既見是已生大歡喜又見如來一一毛
孔念念出現無量佛刹微塵數光明海
一一光明以無量佛刹微塵數光明而
為眷屬一一周徧一切法界消滅一切
諸衆生苦既見是已生大歡喜又善男
子我觀如來頂及兩肩念念出現一切
佛刹微塵數寶燄山雲充滿十方一切
法界既見是已生大歡喜又善男子我
觀如來一一毛孔於念念中出現一切佛

刹微塵數香光明雲充滿十方一切佛
刹既見是已生大歡喜又善男子我觀
如來一一相念念出一切佛刹微塵數
諸相莊嚴如來身雲徧徃十方一切世
界既見是已生大歡喜又善男子我觀
如來一一毛孔於念念中出不可說佛
刹微塵數佛變化雲示現如來從初發
心脩波羅蜜具莊嚴道入菩薩地既見
是已生大歡喜又善男子我觀如來一
一毛孔念念出現不可說不可說佛刹

微塵數天王身雲及以天王自在神變
充徧一切十方法界應以天王身而得
度者即現其前而為說法既見是已生
大歡喜如天王身雲其龍王夜叉王乾
闥婆王阿脩羅王迦樓羅王緊那羅王
摩睺羅伽王人王梵王身雲莫不皆於
一一毛孔如是出現如是說法我見是
已於念念中生大歡喜生大信樂量與
法界薩婆若等昔所未得而今始得昔
所未證而今始證昔所未入而今始入

昔所未滿而今始滿昔所未見而今始見
昔所未聞而今始聞何以故以能了
知法界相故知一切法唯一相故能平
等入三世道故能說一切無邊法故善
男子我入此菩薩念念出生廣大喜莊
嚴解脫光明海又善男子此解脫無邊
普入一切法界門故此解脫無盡等發
一切智性心故此解脫無際入無際畔
一切衆生心想中故此解脫甚深寂靜
智慧所知境故此解脫廣大周徧一切

如來境故此解脫無壞菩薩智眼之所
知故此解脫無底盡於法界之源底故
此解脫者即是普門於一事中普見一
切諸神變故此解脫者終不可取一切
法身等無二故此解脫者終無有生以
能了知如幻法故此解脫者猶如影像
一切智願光所生故此解脫者猶如變
化化生菩薩諸勝行故此解脫者猶如
大地為一切衆生所依處故此解脫者
猶如火水能以大悲潤一切故此解脫

者猶如大火乾竭衆生貪愛水故此解
脫者猶如大風令諸衆生速疾趣於一
切智故此解脫者猶如大海種種功德
莊嚴一切諸衆生故此解脫者如須弥
山出一切智法寶海故此解脫者如大
城郭一切妙法所莊嚴故此解脫者猶
如虛空普容三世佛神力故此解脫者
猶如大雲普為衆生雨法雨故此解脫
者猶如淨日能破衆生無知闇故此解
脫者猶如滿月滿足廣大福德海故此

解脫者猶如真如悉能周徧一切處故
此解脫者猶如自影從自善業所化出
故此解脫者猶如呼響隨其所應為說
法故此解脫者猶如影像隨衆生心而
照現故此解脫者如大樹王開敷一切
神通華故此解脫者猶如金剛從本已
來不可壞故此解脫者如如意珠出生
無量自在力故此解脫者如離垢藏摩
尼寶王示現一切三世如來諸神力故
此解脫者如喜幢摩尼寶能平等出一

切諸佛法輪聲故善男子我今為汝說
此譬喻汝應思惟隨順悟入尔時善財
童子白寂靜音海夜神言大聖云何脩
行得此解脫夜神言善男子菩薩脩行
十大法藏得此解脫何等為十一脩布
施廣大法藏隨衆生心悉令滿足二脩
淨戒廣大法藏普入一切佛功德海三
脩堪忍廣大法藏能徧思惟一切法性
四脩精進廣大法藏趣一切智恒不退
轉五脩禪定廣大法藏能滅一切衆生

熱惱六脩般若廣大法藏能徧了知一
切法海七脩方便廣大法藏能徧成熟
諸衆生海八脩諸願廣大法藏徧一切
佛刹一切衆生海盡未來劫脩菩薩行
九脩諸力廣大法藏念念現於一切法
界海一切佛國土成正覺常不休息
十脩淨智廣大法藏得如來智徧知三
世一切諸法無有障礙善男子若諸菩
薩安住如是十大法藏則能獲得如是
解脫清淨增長積集堅固安住圓滿善

財童子言聖者汝發阿耨多羅三藐三
菩提心其已久如夜神言善男子此華
嚴莊嚴世界海東過十世界海有世界
海名一切淨光寶此世界海中有世界
種名一切如來願光明音中有世界名
清淨光金莊嚴一切香金剛摩尼王為
體形如樓閣衆妙寶雲以為其際住於
一切寶瓔珞海妙宮殿雲而覆其上淨
穢相雜此世界中乃往古世有劫名普
光幢國名普滿妙藏道場名一切寶藏

妙月光明有佛名不退轉法界音於此
成阿耨多羅三藐三菩提我於爾時作
菩提樹神名具足福德燈光明幢守護
道場我見彼佛成等正覺示現神力發
阿耨多羅三藐三菩提心即於此時獲
得三昧名普照如來功德海此道場中
次有如來出興於世名法樹威德山我
時命終還生此中為道場主夜神名殊
妙福智光見彼如來轉正法輪現大神
通即得三昧名普照一切離貧境界次

有如來出興於世名一切法海音聲王
我於彼時身為夜神因得見佛承事供
養即獲三昧名生長一切善法地次有
如來出興於世名寶光明燈幢王我於
彼時身為夜神因得見佛承事供養即
獲三昧名普現神通光明雲十二次有如來
出興於世名功德須彌光我於彼時身
為夜神因得見佛承事供養即獲三昧
名普照諸佛海次有如來出興於世名
法雲音聲王我於彼時身為夜神因得

見佛承事供養即獲三昧名一切法海
燈次有如來出興於世名智燈照耀王
我於彼時身為夜神回得見佛承事供
養即獲三昧名滅一切衆生苦清淨光
明燈次有如來出興於世名法勇妙德
幢我於彼時身為夜神回得見佛承事
供養即獲三昧名三世如來光明藏次
有如來出興於世名師子勇猛法智燈
我於彼時身為夜神回得見佛承事供
養即獲三昧名一切世間無障礙智慧

輪次有如來出興於世名智力山王我
於彼時身為夜神回得見佛承事供養
即獲三昧名普照三世衆生諸根行善
男子清淨光金莊嚴世界普光明幢劫
中有如是等佛刹微塵數如來出興於
華嚴卷七十一
世我於彼時或為天王或為龍王或為
夜叉王或為乾闥婆王或為阿脩羅王
或為迦樓羅王或為緊那羅王或為摩
睺羅伽王或為人王或為梵王或為天
身或為人身或為男子身或為女人身

或為童男身或為童女身悉以種種諸
供養具供養於彼一切如來亦聞其佛
所說諸法從此命終還即於此世界中
生經二佛刹微塵數劫脩菩薩行然後
命終生此華嚴莊嚴世界海娑婆世界
值迦羅鳩孫馱如來承事供養得三昧
名離一切塵垢光明次值拘那含牟尼
如來承事供養得三昧名普現一切諸
刹海次值迦葉如來承事供養得三昧
名演一切衆生言音海次值毘盧遮那

如來於此道場成正等覺念念示現大神通力我時得見即獲此念念出生廣大喜莊嚴解脫得此解脫已能入十不可說不可說佛刹微塵數法界安立海見彼一切法界安立海一切佛刹所有微塵一一塵中有十不可說不可說佛刹微塵數佛國土一一佛土皆有毘盧遮那如來坐於道場於念念中成正等覺現諸神變所現神變一一皆徧一切法界海亦見自身在彼一切諸如來所

華嚴卷七十一

十

義

又亦聞其所說妙法又亦見彼一切諸
佛一一毛孔出變化海現神通力於一
切法界海一切世界海一切世界種一
切世界中隨衆生心轉正法輪我得速
疾陀羅尼力受持思惟一切文善以明
了智普入一切清淨法藏以自在智普
遊一切甚深法海以周徧智普知三世
諸廣大義以平等智普達諸佛無差別
法如是悟解一切法門一一法門中悟
解一切脩多羅雲一一脩多羅雲中悟

解一切法海一一法海中悟解一切法
品一一法品中悟解一切法雲一一法
雲中悟解一切法流一一法流中出生
一切大喜海一大喜海出生一切地
一一地出生一切三昧海一一三昧海
得一切見佛海一一見佛海得一切智
光海一一智光海普照三世徧入十方
知無量如來往昔諸行海知無量如來
所有本事海知無量如來難捨能施海
知無量如來清淨戒輪海知無量如來

清淨堪忍海知無量如來廣大精進海
知無量如來甚深禪定海知無量如來
般若波羅蜜海知無量如來方便波羅
蜜海知無量如來願波羅蜜海知無量
如來力波羅蜜海知無量如來智波羅
蜜海知無量如來往昔超菩薩地知無
量如來往昔住菩薩地無量劫海現神
通力知無量如來往昔入菩薩地知無
量如來往昔脩菩薩地知無量如來往
昔治菩薩地知無量如來往昔觀菩薩

地知無量如來音為菩薩時常見諸佛
知無量如來音為菩薩時盡見佛海劫
海同住知無量如來音為菩薩時以無
量身徧生刹海知無量如來音為菩薩
時周徧法界脩廣大行知無量如來音
為菩薩時示現種種諸方便十六門調伏成
熟一切衆生知無量如來放大光明普
照十方一切刹海知無量如來現大神
力普現一切諸衆生前知無量如來廣
大智地知無量如來轉正法輪知無量

如來示現相海知無量如來示現身海
知無量如來廣大相海彼諸如來後初
發心乃至法滅我於念念念悉得知見善
男子汝問我言汝發心來其已久如善
男子我於往昔過二佛刹微塵數劫如
上所說於清淨光金莊嚴世界中為菩
提樹神聞不退轉法界音如來說法發
阿耨多羅三藐三菩提心於二佛刹微
塵數劫中脩菩薩行然後乃生此娑婆
世界賢劫之中從迦羅鳩孫馱佛至釋

迦年尼佛及此劫中未來所有一切諸
佛我皆如是親近供養如於此世界賢
劫之中供養未來一切諸佛一切世界
一切劫中所有未來一切諸佛悉亦如
是親近供養善男子彼清淨光金莊嚴
世界今猶現在諸佛出現相續不斷汝
當一心脩此菩薩大勇猛門爾時寂靜
音海主夜神欲重宣此解脫義為善財
童子而說頌言

華嚴卷七十一

十七

善財聽我說

清淨解脫門

聞已生歡喜

勤脩令究竟

我昔於劫海

生大信樂心

清淨如虛空

常觀一切智

我於三世佛

皆生信樂心

并及其衆會

悉願常親近

我昔曾見佛

為衆生供養

得聞清淨法

其心大歡喜

常尊重父母

恭敬而供養

如是無休懈

入此解脫門

老病貧窮人

諸根不具足

一切皆愍濟

令其得安隱

水火及王賊

海中諸恐怖

我昔脩諸行

為救彼衆生

煩惱恒熾然

業障所纏覆

墮於諸險道

我救彼衆生

華嚴卷七十一

六

一切諸惡趣

無量楚毒苦

生老病死等

我當悉除滅

願盡未來劫

普為諸群生

滅除生死苦

得佛究竟樂

善男子我唯知此念念出生廣大喜莊

巖解脫如諸菩薩摩訶薩深入一切法
界海悉知一切諸劫數普見一切刹成
壞而我云何能知能說彼功德行善男
子此菩薩提場如來會中有主夜神名守
護一切城增長威力汝詣彼問菩薩云
何學菩薩行脩菩薩道爾時善財童子
一心觀察寂靜音海主夜神身而說頌言
我曰善友教來詣天神所
見神處寶座身量無有邊
非是著色相計有於諸法

劣智淺識人 能知尊境界

世間天及人 無量劫觀察

亦不能測度 色相無邊故

遠離於五蘊 亦不住於處

永斷世間疑 顯現自在力

華嚴卷七十一

不取內外法 無動無所礙

清淨智慧眼 見佛神通力

身為正法藏 心是無礙智

既得智光照 復照諸群生

心集無邊業 莊嚴諸世間

了世皆是心 現身等衆生

知世悉如夢 一切佛如影

諸法皆如響 令衆無所著

為三世衆生 念念示現身

而心無所住 十方徧說法

無邊諸刹海 佛海衆生海

悉在一塵中 此尊解脫力

時善財童子說此偈已頂禮其足繞無

量而殷勤瞻仰辭退而去爾時善財童

子隨順寂靜音海夜神教思惟觀察所

說法門一一文句皆無忘失於無量深
心無量法性一切方便神通智慧憶念
思繹相續不斷其心廣大證入安住行
詣守護一切城夜神所見彼夜神坐一
切寶光明摩尼王師子之座華嚴卷七十一無數夜神
所共圍繞現一切衆生色相身現普對
一切衆生身現不染一切世間身現一
切衆生身數身現超過一切世間身現
成熟一切衆生身現速往一切十方身
現徧攝一切十方身現究竟如來體性

身現究竟調伏衆生身善財見已歡喜
踊躍頂禮其足繞無量帀於前合掌而
作是言聖者我已先發阿耨多羅三藐
三菩提心而未知菩薩脩菩薩行時云
何饒益衆生云何以無上攝而攝衆生
云何順諸佛教云何近法王位唯願慈
哀為我宣說時彼夜神告善財言善男
子汝為救護一切衆生故汝為嚴淨一
切佛刹故汝為供養一切如來故汝欲
住一切劫救衆生故汝欲守護一切佛

種性故汝欲普入十方脩諸行故汝欲
普入一切法門海故汝欲以平等心徧
一切故汝欲普受一切佛法輪故汝欲
普隨一切衆生心之所樂兩法兩故問
諸菩薩所脩行門善男子我得菩薩甚
華嚴卷七十一
深自在妙音解脫為大法師無所罣礙
善能開示諸佛法藏故具大誓願大慈
悲力令一切衆生住菩提心故能作一
切利衆生事積集善根無有休息故為
一切衆生調御之師令一切衆生住薩

婆若道故為一切世間清淨法日普照
世間令生善根故於一切世間其心平
等普令衆生增長善法故於諸境界其
心清淨除滅一切諸不善業故誓願利
益一切衆生身恒普現一切國土故示
現一切本事曰緣令諸衆生安住善行
故恒事一切諸善知識為令衆生安住
佛教故佛子我以此等法施衆生令生
白法求一切智其心堅固猶如金剛那
羅延藏善能觀察佛力魔力常得親近

諸善知識摧破一切業惑障山集一切
智助道之法心恒不捨一切智地善男
子我以如是淨法光明饒益一切衆生
集善根助道法時作十種觀察法界何
者為十華嚴卷七十一所謂我知法界無量獲得廣大
智光明故我知法界無邊見正三一切佛所
知見故我知法界無限普入一切諸佛
國土恭敬供養諸如來故我知法界無
畔普於一切法界海中示現脩行菩薩
行故我知法界無斷入於如來不斷智

故我知法界一性如來一音一切衆生
無不了故我知法界性淨了如來願普
度一切諸衆生故我知法界徧衆生普
賢妙行悉周徧故我知法界一莊嚴普
賢妙行普莊嚴故我知法界不可壞一
切智善根充滿法界不可壞故善男子
我作此十種觀察法界集諸善根辨助
道法了知諸佛廣大威德深入如來難
思境界又善男子我如是正念思惟得
如來十種大威德陀羅尼輪何者為十

所謂普入一切法陀羅尼輪普持一切
法陀羅尼輪普說一切法陀羅尼輪普
念十方一切佛陀羅尼輪普說一切佛
名號陀羅尼輪普入三世諸佛願海陀
羅尼輪普入一切諸乘海陀羅尼輪普
入一切衆生業海陀羅尼輪疾轉一切
業陀羅尼輪疾生一切智陀羅尼輪善
男子此十陀羅尼輪以十千陀羅尼輪
而為眷屬恒為衆生演說妙法善男子
我或為衆生說聞慧法或為衆生說思

慧法或為衆生說脩慧法或為衆生說
 一有法或為衆生說一切有法或為說
 一如來名海法或為說一切如來名海
 法或為說一世界海法或為說一切世
 界海法或為說一佛授記海法或為說
 一切佛授記海法或為說一如來衆會
 道場海法或為說一切如來衆會道場
 海法或為說一如來法輪海法或為說
 一切如來法輪海法或為說一如來脩
 多羅法或為說一切如來脩多羅法或

為說一如來集會法或為說一切如來
 集會法或為說一薩婆若心海法或為
 說一切薩婆若心海法或為說一乘出
 離法或為說一切乘出離法善男子我
 以如是等不可說法門為衆生說善男
 子我入如來華嚴卷七十一無差別法界門正四海說無上
 法普攝衆生盡未來劫住普賢行善男
 子我成就此甚深自在妙音解脫於念
 念中增長一切諸解脫門念念充滿一
 切法界時善財童子白夜神言奇哉天

神此解脫門如是希有聖者證得其已
久如夜神言善男子乃往古世過世界
轉微塵數劫有劫名離垢光明有世界
名世界功德雲以現一切衆生業摩尼
王海為體形如蓮華住四天下微塵數
香摩尼須彌山網中以出一切如來本
願音蓮華而為莊嚴須彌山微塵數蓮
華而為眷屬須彌山微塵數香摩尼以
為間錯有須彌山微塵數四天下一一
四天下有百千億那由他不可說不可

說城善男子彼世界中有四天天下名為
妙幢中有王都名普寶華光去此不遠
有菩提場名普顯現法王宮殿須弥山
微塵數如來於中出現其最初佛名法
海雷音光明王彼佛出時有轉輪王名
清淨日光華嚴卷七十一明面於其佛所受持此一切法
海旋脩多羅佛涅槃後其王出家護持
正法法欲滅時有千部異衆千種說法
近於末劫業惑障重諸惡比丘多有鬪
諍樂著境界不求功德樂說王論賊論

女論國論海論及以一切世間之論時
王比丘而語之言奇哉苦哉佛於無量
諸大劫海集此法炬云何汝等而共毀
滅作是說已上升虛空高七多羅樹身
出無量諸色。燄雲放種種色大光明網
令無量衆生除煩惱熱令無量衆生發
菩提心以是因緣彼如來教復於六萬
五千歲中而得興盛時有比丘尼名法
輪化光是此王女百千比丘尼而為眷
屬聞父王語及見神力發菩提心永不

退轉得三昧名一切佛教燈又得此甚
深自在妙音解脫得已身心柔軟即得
現見法海雷音光明王如來一切神力
善男子於汝意云何彼時轉輪聖王隨
於如來轉正法輪佛涅槃後興隆末法
者豈異人乎今普賢菩薩華嚴卷七十一是其法輪化
光比丘尼即我身是我於彼時守護佛
法令十萬比丘尼於阿耨多羅三藐三
菩提得不退轉又令得現見一切佛三
昧又令得一切佛法輪金剛光明陀羅

尼又令得普入一切法門海般若波羅
蜜次有佛興名離垢法光明次有佛興
名法輪光明髻次有佛興名法日功德
雲次有佛興名法海妙音王次有佛興
名法日智慧燈次有佛興名法華幢雲
次有佛興名法燄山幢王次有佛興名
甚深法功德月次有佛興名法智普光
藏次有佛興名開示普智藏次有佛興
名功德藏山王次有佛興名普門須弥
賢次有佛興名一切法精進幢次有佛

興名法寶華功德雲次有佛興名寂靜
光明髻次有佛興名法光明慈悲月次
有佛興名功德燄海次有佛興名智日
普光明次有佛興名普賢圓滿智次有
佛興名神通智光王次有佛興名福德
華光燈次有佛興名智師子幢王次有
佛興名日光普照王次有佛興名須彌
寶莊嚴相次有佛興名日光普照次有
佛興名法王功德月次有佛興名開敷
蓮華妙音雲次有佛興名日光明相次

有佛興名普光明妙法音次有佛興名
師子金剛那羅延無畏次有佛興名普
智勇猛幢次有佛興名普開法蓮華身
次有佛興名功德妙蓮華次有佛興
名道場功德月次有佛興名法炬熾然
月次有佛興名普光明髻次有佛興名
法幢燈次有佛興名金剛海幢雲次有
佛興名名稱山功德雲次有佛興名旃
檀妙月次有佛興名普妙光明華次有
佛興名照一切衆生光明王次有佛興

名功德蓮華藏次有佛興名香燄光明
王次有佛興名波頭摩華因次有佛興
名衆相山普光明次有佛興名普名稱
幢次有佛興名須弥普門光次有佛興
名功德法城光次有佛興名大樹山光
明次有佛興名普德光明幢次有佛興
名功德吉祥相次有佛興名勇猛法力
幢次有佛興名法輪光明音次有佛興
名功德山智慧光次有佛興名無上妙
法月次有佛興名法蓮華淨光幢次有

華嚴卷七十一

光

佛興名寶蓮華光明藏次有佛興名光
燄雲山燈次有佛興名普覺華次有佛
興名種種功德燄須弥藏次有佛興名
圓滿光山王次有佛興名福德雲莊巖
次有佛興名法山雲幢次有佛興名功
德山光明次有佛興名法日雲燈王次
有佛興名法雲名稱王次有佛興名法
輪雲次有佛興名開悟菩提智光幢次
有佛興名普照法輪月次有佛興名寶
山威德賢次有佛興名賢德廣大光次

有佛興名普智雲次有佛興名法力功
德山次有佛興名功德香燄王次有佛
興名金色摩尼山妙音聲次有佛興名
頂髻出一切法光明雲次有佛興名法
輪熾盛光次有佛興名無上功德山次
華嚴卷七十一
有佛興名精進炬光明雲次有佛興名
六九
三昧印廣大光明冠次有佛興名寶光
明功德王次有佛興名法炬寶蓋音次
有佛興名普照虛空界無畏法光明次
有佛興名月相莊嚴幢次有佛興名光

明燄山雲次有佛興名照無障礙法虛
空次有佛興名開顯智光身次有佛興
名世主德光明音次有佛興名一切法
三昧光明音次有佛興名法音功德藏
次有佛興名熾然燄法海雲次有佛興
名普照三世相大光明次有佛興名普
照法輪山次有佛興名法界師子光次
有佛興名須弥華光明次有佛興名一
切三昧海師子燄次有佛興名普智光
明燈善男子如是等須弥山微塵數如

來其最後佛名法界城智慧燈並於離
垢光明劫中出興于世我皆尊重親近
供養聽聞受持所說妙法亦於彼一切
諸如來所出家學道護持法教入此菩
薩甚深自在妙音解脫種種方便教化
成熟無量衆生華嚴卷七十一從是已來凡於佛刹微塵
數劫所有諸佛出興於世我皆供養脩
行其法善男子我從是來於生死夜無
明昏昧諸衆生中而獨覺悟令諸衆生
守護心城捨三界城住一切智無上法

城善男子我唯知此甚深自在妙音解
脫令諸世間離戲論語不作二語常真
實語恒清淨語如諸菩薩摩訶薩能知
一切語言自性於念念中自在開悟一
切衆生入一切衆生言音海於一切言
辭悉皆辯了明見一切諸法門海於普
攝一切法陀羅尼已得自在隨諸衆生
心之所疑而為說法究竟調伏一切衆
生能普攝受一切衆生巧脩菩薩諸無
上業深入菩薩諸微細智能善觀察諸

菩薩藏能自在說諸菩薩法何以故已
得成就一切法輪陀羅尼故而我云何
能知能說彼功德行善男子此佛會中
有主夜神名闍敷一切樹華汝詣彼問
菩薩云何學一切智云何安立一切衆
生住一切智華嚴卷七十一爾時守護一切城主夜神
欲重宣此解脫義為善財童子而說頌
言

菩薩解脫深難見 虛空如如平等相
普見無邊法界內 一切三世諸如來

出生無量勝功德

證入難思真法性

增長一切自在智

開通三世解脫道

過於刹轉微塵劫

爾時有劫名淨光

世界名為法燄雲

其城號曰寶華光

其中諸佛興於世

量與須彌塵數等

有佛名為法海音

於此劫中先出現

乃至其中最後佛

名為法界燄燈王

如是一切諸如來

我皆供養聽受法

我見法海雷音佛

其身普作真金色

諸相莊嚴如寶山

發心願得成如來

我暫見彼諸如來 即發菩提廣大心

誓願勤求一切智 性與法界虛空等

由斯普見三世佛 及以一切菩薩眾

亦見國土眾生海 而普攀緣起大悲

隨諸眾生心所樂 示現種種無量身

華嚴卷七十一

普徧十方諸國土 動地舒光悟含識

見第二佛而親近 亦見十方刹海佛

乃至最後佛出興 如是須弥塵數等

於諸刹轉微塵劫 所有如來照世燈

我皆親近而瞻奉 令此解脫得清淨

尔時善財童子得入此菩薩甚深自在
妙音解脫故入無邊三昧海入廣大總
持海得菩薩大神通獲菩薩大辯才心
大歡喜觀察守護一切城主夜神以偈
讚曰

已行廣大妙義海 已度無邊諸有海
長壽無患智藏身 威德光明住此衆
了達法性如虛空 普入三世皆無礙
念念攀緣一切境 心心永斷諸分別
了達衆生無有性 而於衆生起大悲

深入如來解脫門

廣度群迷無量眾

觀察思惟一切法

了知證入諸法性

如是脩行佛智慧

普化眾生成令解脫

天是眾生成調御師

開示如來智慧道

普為法界諸含識

說離世間眾怖行

華嚴卷七十一

卅三

已住如來諸願道

已受菩提廣大教

已脩一切徧行力

已見十方佛自在

天神心淨如虛空

普離一切諸煩惱

了知三世無量刹

諸佛菩薩及眾生

天神一念悉了知

晝夜日月年劫海

亦知一切衆生類 種種名相各差別
十方衆生生死處 有色無色想無想
隨順世俗悉了知 引導使入菩提路
已生如來誓願家 已入諸佛功德海
法身清淨心無礙 隨衆生樂現衆色
時善財童子說此偈已 禮夜神足繞無
量帀殷勤瞻仰辭退而去
大方廣佛華嚴經卷第七十一

怙音戶

繹音亦

福城東際童子南詢百城煙水渺無垠

知識異常倫五十三人一曲和陽春

阿 伏鞞翁鳥爇哀醫回安音諧謳 阿

多 當登東都刀鑿低顛單○耽兜 多

波 幫崩○連褒頌卑賓般○○○ 波

華嚴卷七十一

此四
山城國綴喜郡新村

靈瑞山酬恩菴沙門宗桂書寫之

